

բազույր՝ որտեղի՞ց : Երկար ժամանակ փնտրուում են :

Վարազույր չկայ :

Առաջին գիշերը , անկողիններին մէջ կըծկըւած , ամէնքս էլ խոր մտածումի մէջ էինք . արդեօք անձրեւը մեր վրայ պիտի կաթի՞ թէ չպիտի կաթի :

Չկաթեց :

* * *

— ... Հարեւաններս :

Դէպի բակ տանող նրբանցքի աջ կողմում նախկին թուրք տանտիրոջ կինը եւ իր տասը տարեկան դուստրը : Չախ կողմում , նոյնպէս թուրք մի կին , իր աղջիկը եւ ուս մի չեկիստ :

Դէմ առ դէմ ապրող երկու այս թուրք ընտանիքները պատկանում են տարբեր սերունդներին :

Նախկին տանտիրուհին բարձրահասակ , նիհար եւ խտտադէմ մի կին է . գրեթէ ամբողջ օրը իր սենեակի մէջ փակուած : Իր քայլուածքի եւ ձեւերի մէջ ինչ որ մի հանդիսաւոր բան կայ . բնական քաղաքավարութեան մի շեշտ , որ ինձ շատ դուր է գալիս : Ինձ հետ խօսում է գրան ետեւից , ցած ձայնով , խոստովանանքի նման :

Երեւում է՝ շատ հաւատացեալ կին է : Պատուհանից երբեմն տեսնում եմ , թէ ինչպէս առաւօտները , չոքած , կուրծքը միշտ բարձր , գլխին լայն լաթեր փաթաթած ու աչքերը յառած դէպի հեռուն , նա երկարօրէն աղօթում է : Աղօթելու իր հանդիսաւոր այդ կերպը իմ մէջ արթնացնում է գեղազիտական հաճոյք եւ մի տեսակ պատկառանք :

Երբ նայում եմ , աչքիս առջեւ անմիջապէս լայնածաւալ անապատն է գալիս : Թւում է ինձ , որ իր ձեւերը կապուած են լոսկեաց եւ անգութ ակաղի եւ ցուլի արեան գոյն արշալոյսի հետ : Մեռեալ ծովի մէջ նաւարկող մի հոգի : Անաղմուկ , մտահայեաց եւ տխուր կին է , տիպական վերին աստիճանի , մի կտորից շինուած եւ իր բոլոր աւանդութիւնների հետ կապուած :

Տարիքը առած այս կինը ամուսին էլ ունի , սակայն , նա երբեք չի երեւում . որովհետեւ ասում են , ուրիշ ընտանիք եւս ունի :

Մէկը՝ Պարսկաստանում եւ երկու հատ՝ Երեւանում :

Մօրուքը ներկած , մորթէ գլխարկով , քաղաքավարի եւ լոսկեաց մարդ է : Երբեմն այցելութեան է գալիս , ծալապատիկ նստում եւ երկարօրէն խօսում : Այդ ամէնը տեղի է ունենում շատ բնական կերպով , առանց աղմուկի եւ առանց վիճարանութեան : Երեւում է , որ ըստ իրենց կենցաղի , այդ գրութիւնը օրինաւոր է :

Դիմացի միւս թուրք ընտանիքի վրայ իրաւագոյն տանտիրուհին նայում է արհամարհանքով եւ գրեթէ երբեք նրանց հետ չի խօսում : Այս կողմի աշխարհում դարաւոր կենցաղը ճեղքուած է եւ ինչ որ նոր մի մտայնութիւն նամաղի վրայ աւազ է թափել :

Մայր եւ աղջիկ ու ուս չեկիստ :

Մայրը դեռ երիտասարդ է՝ փափլիկ , կլորիկ եւ ժպիտը երեսին : Աղջիկը , տասնվեց տարեկան է , բայց աւելին է ցոյց տալիս : Թուրք մի ինչ որ դպրոցում ուսուցչուհի է եւ գեղեցիկուհու համբաւ ունի , որովհետեւ անցեալ տարի մի հայ չեկիստ սիրահարուել է վերան ու իր կեանքին վերջ տուել : Այդ մասին երգ էլ են կազմել եւ ամէն տեղ երգում են :

Ռուս չեկիստը աննշան դէմքով մի երիտասարդ է : Ո՞վ է իմանում Ռուսաստանի ո՞ր ներքին գաւառներից եկել ընկել է այստեղ : Կենսակցում է մօր հետ : Երբեք չի խօսում , գալիս ու գնում է շուքի նման :

«Ռուս չեկիստները ,— ասում են բարեկամներս ,— զգուշացիր , ամենավտանգաւորներն են :

Իսկ մեր եւ իր սենեակի մէջ թէպէտ դուր փակ է , բայց ամէն ինչ լսում է : Ո՞վ է իմանում , կարելի է մի ծակ էլ է գտել ու նայում է :

Չգուշանալու է : Երէկ գիշեր նկատեցի , որ դիմացի միլիթիականներից ոմանք պատուհանների տակ պտտում էին...

— Իսկի էլ մի մտահոգուիր ,— ասում է Սաթօն ,— մեր իզգիւրցի տղաներիցն են : Մէկն էլ Վրացեանի նախկին թիկնապահն է : Մեռնի՛ նա , գնացել բոլշեւիկ է դարձել...

Ու առիթից օգտուելով Սաթօն երկարօրէն պատմում է իրենց կորցրած տան եւ բաղի